



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1860**

CCXXX. Baltes Bruker versöhnt sich mit der Stadt Königsberg nach der  
Hinrichtung seines Bruders, am 15. Dezember 1426.

---

---

**Nutzungsbedingungen**

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

dat laurentz nygenborgh ok mach vorstoruen wesen, wen he in langhen tyden alz in negenteygen Jaren he nycht tu lande heft geweset, Ok nycht enkedes van em kan vorefschen. Des bugheret he myt claves nygenborghe tu borende alzo dane guth, alz zacher zoldines wyues bruder vnde claves nygenborges bruder alz laurentz nygenborch gelaten heft. Bydde wy, leuen Erfamen heren vnde frundes, dat gy bubulpen zyn zacher soldyne vorgeomet vnde claves nygenborghe, laurentz nygenborghes brudere, tu borende alzodane guth, alz laurentz nygenborch gelaten heft, des wylle wy myt denste an eyne gelyken wol vorschulden: wente wy wyllen guth wesen vnde lauen vor alle namanynghe edder tusprake, de dar af kamen mach edder de Iw tukamen mochte van des gudes wegen vor alz weme. Geuen tu gryphenhagen, na der bord cristli vnles heren verteyghen hundred Jar, dar na an dem vyf vnde twyn tegeften Jare, vnder vnsem ynsegele, dat tu eyner groteren sekericheyt vnde wylyhey myt vnser wytschop gehenghet ys vor dessen vnles apen bryf, am mandaghe vor deme lauelyken daghe des hylgen zunte Johannis baptisten.

Nach dem Originale des Königsberger Stadtarchives No. 187.

CCXXX. Baltēs Bruker versöhnt sich mit der Stadt Königsberg nach der Hinrichtung seines Bruders, am 15. Dezember 1426.

Vor allen getruwen Cristenluden, dar disse brif vorkumeth tu synde, horende adder thu lesende, Bekenne yk baltēs bruker, dat yk nach rade myner vrunde my hebbe vruntliken entrichtet meth deme Rade thu koningelberch vnd meth der ganzen gemeyne Stad vnd sy syk meth my vmme dez wille, dat sy my mynen bruder Jaspār bruker lyten doden meth deme rechte Vmme dy ouerfaringe vnde ouertredinge, dy hy wedder minen genedigen heren den vogede, wedder dat ganze lant der nyen marke vnde an dy vorbenante Stad gedan hadde In sodaner wys, dat yk baltēs bruker dar nummer vmme saken schal edder wil odder neyn man mynes geslechtes adder nymant myner vrunt darvmme zaken schal edder wil vnde dat hebbe yk baltēs ergenumth ya gefecht myne heren deme vogede, deme ganzen lande vnde sundergen den van koningelberch vor gheboren vnde vor vngeboren, Besunderen vnde by namen hebbe yk my gemechtiget vnde mechtige my myth kraft deszes briues mynes bruder kindere Jaspār brukers zeliger gedechnisse, welkerley sy synth vnd wu sy by eren Cristen namen genumet synth, vnd dar mede loue yk vnde wil gentzliken mynes genedigen heren dez voydes, dez ganzen landes der nyen marke, Sundergen der stad koningelberch Erer Aller beste tu bewetende vnde ere argeste tu kerende meth alle mynen vrunden geboren vnde vngeboren, alze vorgheschreuen ys. Ok schal yk vnde wil dat myth alle mynen vrunden in guden truwen stede faste holden vnd loue dat sunder yengerleye argelift myth mynen medeloueren nach geschreuen, Alze mychil van sydow, wonhastich tu forstenfelde, frederik zak, beseten thu botterenfelde, werner van sydow, gefeten tu schonensfelt vnd her bernth bruker meth orloue vnd vulborth syner ouersten vnde ludeke brukere, wonhastich tu gerlstorp, alzo genzliken tu holdende, alze vor-

geschreuen ys. Vp disse vorgeschreuen stuken hebbe yk myne genedigen heren deme voyde, deme ganzen lande der nyen marke, den van konigesberch gefecht eyne vrede vnde In arghe nummer tu gedenkende. Tu allen deszen vorgeschreuen stucken vnd vor eynytzlich adder gyuelik befunder Segge wy medelouers vorbenant yn vnde meth gantzen truwen stede vnde faste tu holdende. Dez tu tuge vnde orkunde groter bekantnisse hebbe yk haltes bruker sakeweldige meth mynen medelouers vorbenumeth vnse Ingefegel myt vnser aller wille vnd vulborth laten hengen an diszen brif, dy geschreuen ys nach godes geborth M<sup>o</sup> CCCC<sup>o</sup>, dar nach In deme XXVI Jare, Sundages nest komende nach lucie der hilgen Juncvrouwen.

Nach dem Original des Königsberger Stadtarchives No. 188.

CCXXXI. Schuldverschreibung Eggert's von Sydow für Curd Sydow, vom 25. Januar 1428.

Vor allen guden cristen luden, de dessen briff zien, horen edder lesen, Bekenne ik Eggerd van sidow to blumenberge, dat ik med mynen rechten eruen van mynen rechten redelken schulden schuldich byn dem wolgeborn manne Curd sidow vnde synen rechten eruen anderhalf hundert mark guder wonleker vyncker penninge Stettynscher munte, de ik Eggerd van sidow hebbe entfangen van Curd sidow vnde hebbe se gebracht in myn vnde in myner rechten eruen nud vnd behuf vnde darto vesteyn mark der suluen vorcreuen munte vor de rente, de ik Eggerd vorcreuen ofte myne eruen schal vnde wil Curde vorbenant ofte syne eruen wol to der nüge vnde to dancke betalen an eyne summe sunder synen schaden edder syner eruen bynnen Koningesberghe in sins werdes huse ofte synen eruen Edder an eyner anderen stede, also wor dat em edder synen eruen de betalynghe alder ghedelekst is, nu an sunte mertens dage negeft tokomende sunder alle argelift. Vnde weret ock sake, dat ik Eggerd vorcreuen ofte myne eruen desse vorcreuen anderhalf hundert mark nicht geue vp dessen negeften tokomende sunte Merten Curd sidow edder sinen eruen, dat my ofte mynen eruen dat welke not boneme, Sunder dat ik Eggerd vorcreuen edder myne eruen se vord wolde vnder beholden vmme sodane rente, dat scholde anders nicht schyn, dat were denne, dat ik eggerd vorcreuen ofte myne eruen dat deden med Curd zidowes edder syner rechten eruen wille. Wen ock Curd van sydow edder syne eruen my Eggerd vorcreuen edder myne eruen desse vorcreuen anderhalf hundert mark nicht lenck willen vnderlaten vmme sodane rente, So schal Curd sidow edder syne eruen my Eggert van zydow edder myne eruen eyn verndel Jars to vorne dat to wetende don vnde denne dar na to deme negeften sunte merten, so wil ik Eggerd van sidow ofte myne eruen Curd zidow edder synen eruen bynnen Koningesberge in sins werdes huse ofte syner eruen vp den suluen enckeden vorcreuen dach martini gheuen an eyne summe beide honestul vnde ock de rente wol to dancke Edder vp eyne ander stede, dar em ofte synen eruen desse vorcreuen betalinge aller bequemest is in guden truwen vnde louen sunder alle argelift. Vnde weret dat ock sake, dar got io mute vor syn, dat ik eggherd zidow edder myne eruen desse vorcreuen betalinge vp dessen enckeden dach sunte Merten Curd zidow este synen eruen nicht so